

國朝典彙
(二)

國朝典彙卷三十二

〔錄〕

都察院右僉都御史臣徐學聚 編輯

都察院右僉都御史臣陳德元 訂正

浙江蘭谿縣知縣臣吳國琦 重訂

輔臣考上

吳元年正月置中書省以李善長爲右相國徐達爲左相
國常遇春俞通海爲平章政事

洪武元年正月改中書省左右相國爲左右丞相左右丞
各一人叅知政事二人以李善長徐達爲左右丞相

上諭中書省臣曰成周之臣治掌於冢宰教掌於司徒禮

掌於宗伯政掌於司馬刑掌於司寇工掌於司空故天

子總六官六官總百執事大小相維各有攸屬是以事

益簡而政不紊故治泰用商輒變更古制法如牛毛暴

其民甚而民不從故亂卿等任居宰輔宜振舉大綱以

率百僚贊朕爲治

二年 上嘗以事詰責丞相李善長劉基謂善長助舊臣

能和輯諸將 上曰是數欲害汝乃爲之地耶 上欲

以楊憲爲丞相基與憲素厚以爲不可 上恠之基曰

憲有相才無相器夫宰相者持心如水以義理爲權衡

而已無與焉者也今憲不然能無貶乎 上曰汪廣洋

何如曰此徧淺觀其人可知 上曰胡惟庸何如基曰

此小獍將債轅而破犂矣 上曰吾之相無踰於先生

基曰臣非不自知但臣疾惡太深又不耐煩劇爲之且

孤大恩天下何患無才願明主悉心求之如目前諸人

臣未見其可也

九月以楊憲爲中書右丞

三年六月侍御史劉炳劾右丞相汪廣洋事母不孝罷之

七月以右丞楊憲爲左丞賜改名曰華尋以罪伏誅憲美

姿儀有才辯爲人深刻妬忌喜人佞已矜利者多出其

門稍有拂意者輒以計傷之累遷左丞專恣日甚以御

國朝典彙卷三十二 輔臣考上

史劉炳爲鷹犬劉基發憲奸狀遂與炳皆伏誅

四年正月左丞相李善長乞致仕許之以汪廣洋爲右丞

相胡惟庸爲左丞相

六年正月右丞相汪廣洋與柔忌政黜爲廣東行省叅政

六月以胡惟庸爲右丞相

七年四月以丁玉爲右丞相

九年八月御史大夫汪廣洋陳寧劾奏韓國公李善長位

以太師爵以上公禮命之榮冠乎文武近令其子尚公

主復營第於主第之左以居之聖訓諄諄命公主謹執

婦道禮長幼以敘彝倫 陛下法古先聖王盛心允爲

至矣善長受厚恩倂爲愚竊 陛下以疾不祝朝者將旬日亦無問候之敬孤恩失禮古昔所無駙馬李驥六日不朝宣至殿前又不施禮此可知善長家法之不修凡此所爲揆之事君之道果安在哉請付法司以正其罪疏奏善長父子免冠待罪 上曰大罪不治則法無以立小過不赦則人無所容善長國之大臣不能立身教子効之誠是但念相從之久宥之勿問

是年罷叅知政事

十年九月命胡惟庸爲左丞相相汪廣洋爲右丞相改右

丞丁玉爲右御史大夫

南朝興集卷三十三

南朝興集卷三十三

十二年九月以重慶知府爲中書省右叅政尋晉左

丞

十一月以李素爲中書右丞

十二月右丞相汪廣洋貶海南死於道廣洋字朝宗高郵人少從余闕學游寓太平乙未歲 上渡江 廣洋入

見雷爲元帥府令史洪武三年歷遷中書左丞時楊憲爲右丞惡廣洋軋已嫉御史劉炳奏罷之憲恐其復入

復令炳奏遷海南 上覺之誅憲召廣洋進封忠勤伯

尋拜右丞相居胡惟庸之次至是御史中丞涂節言劉

基乃胡惟庸毒死 上問廣洋廣洋對以無是事 上

以廣洋欺紿貶居海南舟次太平復遣使勅責之廣洋慚懼遂自縊

十三年正月左丞相胡惟庸伏誅自楊憲誅而惟庸總中書之政專肆威福生殺黜陟有不奏而行者內外諸司封事入奏惟庸先取視之有病已者輒匿不聞私權奏差胡慙爲巡檢營其家事由是四方奔競之徒趨其門下及諸武臣諛佞者多附之受金帛名馬玩好不可勝數魏國公徐達深嫉其奸邪常從容言於 上惟庸忌之達有閹者福壽惟庸陰誘致爲已用冀得其力以圖達爲福壽所發誠意伯劉基亦嘗爲 上言惟庸奸

南朝興集卷三十三

南朝興集卷三十三

南朝興集卷三十三

南朝興集卷三十三

南朝興集卷三十三

南朝興集卷三十三

不可用惟庸知之由是怨恨基及基病詔惟庸視之生以毒中之基竟死 上以基病久不疑基死惟庸益無所憚與李善長等相結以兄女妻善長從子祐貪賄弄權無所畏忌一日其定遠舊宅井中忽生竹笋出水高數尺諷者爭言爲丞相瑞應又言其祖父三世塚上常有火光燭天於是惟庸益自負有邪謀矣當是時吉安侯陸仲亨自陝西歸擅乘驛傳 上怒責之曰中原兵燹之餘民始復業籍戶買馬艱苦甚矣使皆效爾所爲民雖盡鬻子女買馬走遁不能給也責捕盜於代縣王二侯費聚常命往蘇州撫綏軍民聚不任事惟嗜

色召還責往西北招降達達無功 上亦責之二人懼

惟庸陰以權利脅誘之二人素慙勇又見惟庸當朝用
事強盛因與往來久之益密嘗過惟庸家飲酒酒酣屏
去左右因言吾等所爲多不法一旦事覺如何二人懼
懼計無所出惟庸乃告以已意且令其在外收輯軍馬
以俟二人從之又與陳寧坐省中閱天下軍馬籍令都
督毛驤取衛士劉遇寶及臣命魏文進等爲心膂曰吾
有用爾也太僕寺丞李存義善長之弟惟庸之壻父也
以親故往來惟庸家惟庸令存義陰說善長同起善長
驚悸曰爾言何爲者若爾九族皆滅存義懼而去往告

惟庸知善長素貪可以利動後十日又令存義以告善
長且言事若成當以淮西地封公爲王善長雖有才能
然本文吏計深巧雖佯驚不許心頗以爲然迺嘆息起
曰吾老矣出爾等所爲存義還告惟庸喜因過善長屏
左右款語良久惟庸欣然就辭出使指揮林賢下海招
倭軍約期來會又遣元臣封績致書稱臣于元請兵爲
外應事皆未發會惟庸子乘馬馳驟於市馬奔入輓轡
中傷死焉惟庸卽殺是輓轡者 上怒命償其死惟庸
乃請以金帛給其家 上不許惟庸乃與善長及中丞
余節御史大夫陳寧等謀起事遣人陰告四方及武

十一日視朝覺惟庸等舉措有異惟之徐

節恐事覺適上變告時商嵩責降中書省吏亦以惟庸
陰事來告 上曰朕不負惟庸輩何得至是命羣臣更
訊惟庸辭窮不能隱於是賜惟庸陳寧死又言涂節本
爲惟庸謀主見事不成始上變告不諱何以戒人臣之
奸宄者適并誅節餘黨皆連坐羣臣又請誅善長陸仲
亨等皆勿問

詔罷中書省官

九月始置四輔官告太廟以王本李祐龔敷爲春官杜敷
趙民望吳源爲夏官勅曰昔之耕莘者爲政社稷永安

策嚴者在朝君仁民康二臣繼出於殷商致君六百年

之大業是賢者雖處同出異其忠君濟民之道則一朕
政有未周化有未洽訪近臣而求士故召爾等來朝命
爲四輔官兼太子賓客位列公侯都督之次必欲德合
天人均調四時以臻至治

十四年正月龔敷趙民望杜敷吳源並致仕

九月以李幹何顯周爲四輔官

十五年七月王本論斬李祐何顯周致仕李幹降知府革
四輔官

十一月倣宋制置殿閣大學士以禮部尚書劉仲質爲華

蓋殿大學士翰林學士宋訥爲文淵閣大學士檢討吳伯宗爲武英殿大學士典籍吳洸爲東閣大學士訥嘗寒附火燎脅下衣傷膚上聞之爲文謦訥曰脇者協也聞火焚汝脅將非汝居內相不能協助人主爲政神怒耶訥頓首謝

禮部主事劉庸舉耆儒鮑恂余詮張長年皆明經老儒達於治體可備顧問叢位召至命爲文華殿大學士恂等以老疾固辭賜還鄉里詳徵召

十六年正月降劉仲質爲御史仲質字文質分宜人洪武初舉爲宜春訓導有薦仲質好學博通經史者召對稱

旨授翰林編修官至禮部尚書已命爲大學士上親製誥文至是黜卒

八月降吳洸爲翰林侍書以進講後期考功監劾之故也沈宇濟仲浙江蘭谿人富著遠覽嘗因奏對誤還渭源教諭未行改典籍陞大學士終博士三仕三已無喜愠人以此多之

十二月降武英殿大學士吳伯宗爲翰林檢討明年卒伯宗金谿人洪武四年第一人擢禮部員外郎與學士宋訥同修大明日曆時胡惟庸用事欲入訥已伯宗性剛直不肯相屈下竟爲惟庸中傷謫於鳳陽尋召還歷官

大學士坐弟仲宴爲三河知縣謬薦人詞連伯宗至左遷伯宗溫厚詳雅博學能文章所著有南宮集文成均玉堂四集

十七年十二月以翰林待詔朱善爲文淵閣大學士十八年九月朱善以疾賜歸尋卒善字備萬豐城人元季隱居著述以理學爲已任洪武初爲郡學教授薦爲修撰以奏對失旨放歸尋復召爲待詔晉文淵閣大學士卒年七十二所著有詩經解願集

二十八年六月上御天門勅諭文武羣臣曰自古三公論道六卿分職自秦始置丞相不旋踵而亡漢唐宋

因之雖有賢相然其間所用者多有小人專權亂政我朝龍丞相設五府六部都察院通政司大理寺等衙門分理天下庶務彼此頡頏不敢相壓事皆朝廷總之所以穩當以後嗣君並不許立丞相臣下敢有奏請設立者文武羣臣即時劾奏處以重刑

三十一年六月建文帝詔兵部尚書齊泰太常卿黃子鵬並以本官參預國政

建文二年八月改謹身殿爲正心殿置學士一人罷華文華武英殿文淵閣大學士各設學士一人

洪武三十九年成祖方建內閣以待詔解縉爲待講中書

准為編修修撰胡靖為侍講編修楊榮為修撰吳府審
理楊士奇為編修給事中金幼孜桐城知縣胡儼為檢
討並直文淵閣

按直文淵閣入內閣預機務出納帝命率遵祖憲奉陳
規誨獻告謨猷點檢庶務擬議批答以備顧問平朕政
不得專制九卿事九卿奏事亦不得相關曰凡上所下
一曰詔二曰詰三曰敕四曰勅五曰冊文六曰諭七曰
書八曰符九曰令十曰檄凡下所上一曰題二曰奏啟
三曰表箋四曰請章五曰書狀六曰文冊七曰揭帖八
曰會議九曰露布十曰譯皆審署而調劑焉平允乃行

之凡 東宮出閣講讀頌其事敘其官而授之職業凡
修實錄史志諸書兄總裁官實錄成呈上焚其草禁中
凡宗室諸名請封及諸臣請謚並擬上焉凡圖書繕寫
筆校皆課而察之凡郊祀巡狩親征扈行凡累朝御文
實錄實訓玉牒之副古今書皆繕而藏之凡會勅稽其
出狀而敘述上請焉凡禮部會試廷試貢士國子生月
課歲貢生廷試夷館譯生皆總領之其屬制勅房書辦
制勅詔旨詔命冊表寶文玉牒講章碑碣題奏揭帖
應機密文書及王府勅符底簿詔勅房書辦文官詔勅
番譯勅書并夷書揭帖紀功勘合皆稽按典故起事

畫若漏洩稽緩遺失妄誤皆有罰蓋罷中書丞相此直
文淵閣者即虞揆股衡周宰之職也治亂安危恒繫於
斯可不慎哉可不慎哉

永樂二年九月 上御右順門召解縉黃淮胡廣胡儼楊
榮楊士奇金幼孜諭之曰朕即位以來爾七人相與朝
夕共事朕嘉爾等恭慎不懈故在宮中亦屢言之然恒
情保初易保終難朕固常存於心爾等亦宜謹終如始
庶幾君臣獲保全之美縉等叩首言陛下不以臣等濫
陞過垂信任敢不勉勵圖報 上喜皆賜五品公服
出胡儼為祭酒

十二月賜六部尚書侍郎金織文綺衣各一襲并賜解縉
黃淮胡廣楊榮楊士奇金幼孜與尚書同縉等入謝
上曰朕於卿等非偏厚代言之司機密所寓況卿六人
旦夕在朕左右勤勞助益不在尚書下故賜賚必求稱
其事功何拘品級

四年三月出解縉為廣西叅議先是 上與淇國公丘福
等二三大臣議建儲諸臣咸謂高煦有忌從 上不
以為然召縉密議事遂定加縉為學士兼春坊大學士
未幾福等初議泄於外高煦知之憾縉獨深遂諸於
上曰藩邸舊臣無洩者其縉洩耳乃坐縉廷試讀卷不

公罪出之既而禮部尚書李至剛誣繙怨望改交趾八年入京奏事時 車駕北征 太子監國繙伏謁徑歸高賴聞之又諧繙私覲儲君無人臣禮復竄交趾之化州檢討王侗在謫所邀與同趣廣東之化州繙復上言請用數萬人鑿賴江 上大震怒徵逮詔獄拷掠備楚詞連大理丞湯宗中允李貫贊善王汝玉編修朱紘檢討蔣驥潘畿蕭引高經歷高得賜及李至剛相繼死獄中舉家俱戍邊

五年十月令內閣儒臣考滿吏部勿改外任

進胡廣翰林學士兼左春坊大學士黃淮左春坊大學士

國朝典彙卷三十二 輔臣考

楊榮右庶子楊士奇金幼孜左右諭德仍兼侍讀侍講

六年六月楊榮憂去明年正月起復

十年十一月命楊榮經略甘肅軍務

十二年閏九月黃淮楊士奇下錦衣獄尋釋士奇

十四年四月以胡廣爲文淵閣大學士兼左春坊大學士

楊榮金幼孜翰林學士兼庶子諭德

十五年二月以楊士奇爲翰林學士兼諭德

十六年五月文淵閣大學士胡廣卒廣字光大吉水人建

文庚辰廷對策以斥逐親藩爲言擢進士第一賜名靖

永樂中勅復舊名聖孝瑞應有頌逢迎熾悅以希恩寵

卒贈禮部尚書謚文穆

十八年正月以楊榮金幼孜並爲文淵閣大學士

十九年正月改楊士奇爲左春坊大學士

二十年九月詔逮楊士奇及尚書呂震塞義下錦衣獄以

士奇輔導有闕震婚戶部主事張鶴朝叅失儀 皇太子

子以震故曲宥之而義在側不言故也尋釋士奇復職

二十二年八月 仁宗以楊榮爲太常寺卿金幼孜爲戶

部右侍郎並仍兼文淵閣大學士楊士奇爲禮部左侍

郎兼華蓋殿大學士黃淮歷獄以爲通政使兼武英殿

大學士榮幼孜士奇准保牌士內制備顧問不預所陞職

國朝典彙卷三十二 輔臣考

務

九月增設謹身殿大學士 序次華蓋殿謹身殿文 殿

武英殿文淵閣東閣凡六大學士而文華殿則不常設

左右春坊亦時設大學士云

加楊士奇少保楊榮太子少傅兼謹身殿大學士金幼孜

太子少保兼武英殿大學士

十一月進楊士奇少傅

上初監國時御史舒仲成與李祥嘗奉勅理木植稅課之

弊王汝玉與焉 上命削其名二人力言不可忤旨至

是仲公爲湖廣副使吏部奏其他事 上命捕治楊士

奇進疏曰向來小人得罪者多卽詔書不信漢景帝爲太子時召衛綰稱疾不赴卽位進用綰前史遽之上覽疏喜卽有旨罷治仲成而降勅獎諭士奇且賜米及鈔幣又面諭之曰有卿盡心如此朕復何憂

十二月進楊榮工部尚書

洪熙元年正月楊士奇黃淮俱奏辭尚書一俸從之楊榮

金幼孜亦各辭尚書一俸上曰卿等事自考屢經

扈從勤勞多矣上曰卿等事自考屢經

維持今與三俸考實天遠在塞外賴卿等盡力

先帝莫非職爲受此厚祿實所不安上曰朕

非有私與三俸其勿固辭

進楊士奇兵部尚書黃淮亦保

建弘文閣於思善門左以太常卿楊溥掌閣事上手弘

弘文閣印授溥曰朕用卿左右非止助益學問亦欲廣

知民事爲理道助卽有建白封識以進

三月陞光祿署丞權謹爲文華殿大學士謹滁州人以儒

發身居家事母孝有司上其行驛召至京上曰能孝

者必忠忠孝之人可任輔導遂陞是職

閏七月罷弘文閣命直閣楊溥等各還原任乃命溥與楊

士奇等同治內閣事

改權謹爲通政司叅議令致仕謹實有操履而文學非其所長又年老故也

宣德元年正月金幼孜丁憂去任尋起復以張瑄爲禮部

左侍郎兼華蓋殿大學士直內閣

二年二月進張瑄禮部尚書以戶部侍郎陳山爲尚書兼

謹身殿大學士直文淵閣

八月黃淮致仕

四年八月楊溥丁母憂尋起復

十月上幸文淵閣閣在奉天門東廡深嚴禁密故事不

得舉火閣老退食於外上命於庭中隙地置庖自是

得會食中堂

上再幸文淵閣會增直宇設飲饌器用翌日楊士奇等上

表謝恩降勅褒答曰朕念卿等炳亮之勤斯夕勿置間

因暇日至文淵閣微有賞賚庶幾君臣相與之義卿等

乃以表謝覽之備悉衷誠深用爾嘉因賦一詩以識予

懷詩曰天命予躬撫萬方丹心切切慕虞唐退朝館閣

詢容處回看文星爛有光

上一日朝罷士奇侍於左順門遙望見陳山上曰汝試

言山爲人對曰君父有問不敢不盡誠以對山雖侍從

久然其人寡學多欲而昧大體非君子也上曰然

王之事幾爲所誤朕已甚薄之近聞渠於諸司日有干求不厭當不令涸內閣也蓋上初臨御以山及張瑄東宮舊臣俱入閣視事二人行相類浸聞於上數日有旨調瑄南京禮部山專教內監俱罷內閣之任五年三月進楊榮少傅仍兼工部尚書謹身殿大學士兼辭大學士俸允之

六月一日上於文華門御道屏左右獨召楊士奇諭曰楊榮家畜馬甚富初聞之張瑄未信今察之皆得之邊將榮交通邊將其言豈可任於親密之地士奇曰榮與諸將交蓋因永樂中扈從北征太宗命掌兵馬之數

朝野

以此諸將稔熟今內閣諸臣知邊將之強弱才否邊境之遠近險易四裔之順逆委曲惟榮一人臣等皆所不及今用人之際榮未可輒他用且在密地凡制勅中予奪高下皆票上旨又有臣等同議而行豈榮所得獨專臣與同官久亦嘗觀其脫馬三五疋有之多亦不能畜蓋芻菽未易辦上曰爾未知其家馬多即嘗於市朕知之審矣榮數請復永樂以來調衛軍官朕詢兵部言有罪調衛洪武舊制無可復之理朕固已疑之士奇曰此事亦未明但其人尚有他長可用幸姑容之上曰朕初嗣位若惟信榮言而不聽蹇夏則士奇不得在

此久矣今士奇乃力佑榮乎士奇曰陛下曲容臣天地之恩也臣今日亦願陛下容榮使之改過自效此在陛下今日所當行上意乃解然自是不專任之矣六年十二月太子少保禮部尚書武英殿大學士金幼孜卒幼孜名善以字行新進人建文庚辰進士擢給事中永樂初由檢討陞侍講太宗巡狩北京及親征北虜皆預扈從累陞前官至是擬作不起贈少保謚文靖勅有司給驛歸其喪幼孜爲人簡易沈默論事必正眷遇雖隆而自處益謙臨終家人屬求恩澤於子正色曰君子所恥年六十四

國朝典彙卷三十三

文淵閣

九年九月命禮部尚書張瑄仍直文淵閣

十年正月命楊溥復入文淵閣溥丁憂起復爲禮部尚書至是復入內閣首言聖帝明王莫不務學先帝在時屢諭臣等勸學東宮遺音尚在靈鑒如臨皇上肇登寶位必明堯舜之道以圖唐虞之治乞蚤開經筵預擇講官必得學識平正言行端謹老成重厚達大體者數人以供其職及選宮中左右朝夕侍從之人涵養本源輔成德性太皇太后喜

正統元年九月文淵閣大學士張瑄卒瑄字子玉直隸祁臺人由鄉貢授陝西寧州訓導永樂中擢給事中

廟爲皇太孫與選伴讀洪熙間遷春坊中允歷沈馬

宣廟登極入內閣卒年六十二瑛性寬厚喜愠不見待人接物一以真率爲本推讓賢能僚案協和平居嬖嫡然若無所介意臨事施設毅然不可奪人以此稱之

三年四月進楊士奇楊榮少師楊溥少保武英殿以宣廟實錄成

四年二月楊士奇乞致仕不允命歸省墓差內使護行賜璽書金幣米酒厨料牲腊感備上諭之曰省墓畢即來母久戀鄉土士奇敬叩首退四月還京

五年二月命侍讀學士馬愉侍講曹鼐並入內閣參預機

閣朝典案卷三十一

務先是王振謂楊士奇等曰朝廷事虧三楊先生然二

公亦高年倦勤矣其後當如何士奇曰老臣當盡瘁報國死而後已榮曰先生休如此說吾輩衰殘無以効力行當擇後生堪任者以報聖恩耳振喜翌日即薦曹鼐

苗衷陳循高穀等遂次第擢用士奇以榮當日發言之易榮曰彼厭吾輩矣吾輩縱自立彼豈自已乎一旦中出片紙命某人入閣則吾輩束手而已今四人竟

我輩人當一心協力也士奇服其言

楊榮請告展皆危之命馳驛還鄉遣中官阮江護歸趣行

七月少師王誥尚書兼謹身殿大學士楊榮卒榮初名

榮 文廟改今名字勉仁建安人建文庚辰進士榮

裁四朝實錄經理三帝山陵累從出塞屢受遺旨順討逆羈勒萬里運籌設險析獄理財隨機應變端不撓濟險解紛調停有術果而能容謀而善斷內行修謹曾度國融祿厚財豐贍賑窮阨貴賤賢愚皆歸心焉

以展墓還至武林卒年七十贈太師諡文敏

八年楊士奇子楊稷戰殺人命數多逮繫法司至是審實斬之士奇以疾在告御劄慰之曰卿歷事祖宗以及朕躬啟沃彌贊勞勩實多此卿以疾違朕左右者數月朕心拳拳惟卿子幸家訓于國紀朕不敢私卿其以理

自處勉進藥石蚤圖康復以副注望士奇感泣次年三月士奇卒贈太師諡文貞

士奇名遇以字行泰和人士奇久在朝廷惟以忠誠結主屢進密疏所言周王求藥等事與修建文實錄及弛收方孝孺文字之禁三朝史事皆任總裁是是非非悉徵諸實母與同列曰天下萬世之事當以天下萬世之心處之所舉賢才列中外者五十餘人皆能正已恤民

蓋取人必先德行而後才能博詢於衆而信乃舉者怨誹不恤也嘗省展自江西還朝所過餽送

受耿九疇時爲兩淮運使餽羅四翼如一盤即

攜手而行其激揚之義默寓於交際如此當士奇計聞時上適有事時祭聞之震悼不已急諭禮部賜祭工部營葬遣行人護喪歸一切贈賻悉加優渥

九年三月進曹鼎翰林學士自楊榮沒後惟曹明敏議大事多決於羣王振亦曲加敬禮超陞馬倫之上

四月命學士陳循入內閣辦事

十年十月進學士曹鼐吏部陳循戶部馬愉禮部苗衷兵部高穀工部並左侍郎兼講讀學士直文淵閣

自宣德以前每有大事與羣臣面議傳旨施行不待批答上嗣位幼冲面議遂廢至是始命內閣官與各衙門會

議大政具本奏決

十一年七月少師禮部尚書兼武英殿大學士楊溥卒贈

太師謚文定溥字弘濟石首人先是太皇太后聽政

三楊士奇榮溥居輔弼凡朝廷大事皆自閣下處分數

年間政治清明為本朝之極盛王振每承命至文淵閣

三臣與之言振必立受自張太后崩楊榮繼卒士奇

以子稷堅臥不出溥惟一人當事亦年老勢孤繼登庸

者皆不能自樹於是內閣之柄悉為王振所懷生殺予

奪盡在其手矣三楊士奇為西楊榮為東楊溥為南楊

西楊玉質金相通達國體東楊揮斥遊刃遇事立斷而

楊安貞履節詞美釀醴泰合成名並稱賢相

按溥在獄中十餘年家人供食歲久數絕糧不能繼

上命巨測日與死為鄰愈勵志讀書不輟同難者止

日勞已如此讀書何用答曰朝聞道夕死可也五經諸

子讀之數回已而得釋晚年遭遇為閣老大儒朝廷大

制作多出其手實有賴於獄中之功

十二年九月直內閣禮部右侍郎兼侍讀學士馬愉卒愉

字性和山東臨朐人宣德丁未進士第一授修撰累遷

侍讀學士預聞機務侍經筵性資淳篤論事務存寬厚

嘗奏藏疑獄經年不決者遷前職贈尚書謚襄敏

國朝典彙卷三十一 輔臣考 上

十四年五月以侍讀學士張益直文淵閣

六月前少保大學士致仕王淮卒淮字宗豫永嘉人洪武

丁丑進士授中書舍人靖難時淮同百官歸順簡入內

閣宣德二年請老以襄事卑拜恩闕下寵遇有加留典

會試家居二十餘載壽八十三卒贈太保謚文簡

八月學士曹鼐張益歿於上水蘊字萬鍾晉寧人舉鄉薦

以乙榜授代州學官疏辭不受鈐曹銜之任泰和典史

中會試第二廷試第一授修撰轉侍講簡入內閣上

親征扈從死之贈榮祿大夫少傅吏部尚書文淵閣大

學士謚文襄復辟後加贈太傅改謚文忠益字士謙

吳縣人舉進士改庶吉士授中書評事進侍講學士知制誥贈學士謚文僖

太后懿旨命翰林修撰商輅彭時入內閣辦事

九月進陳循爲戶部尚書高穀工部尚書仍兼學士商輅彭時並進侍讀

是年秋虜逼京城朝廷以內閣政機重繁欲增一二入而未得時錦衣劉揮司素善徐理薦於金太監乃召至左順門問計徐甚言誠守必須南遷衆內臣皆叱詈之而徐力主前議徐曰語填塹不已金乃命人扶出之江淵仙於左順門前曰如何徐曰吾主南遷不朝與東卷三十三

輔臣考

合矣江入昌言固守遂見稱賞命入閣既而徐屢被薦皆不允一日徐循推一命狀侑以玉帶一束謁循曰推先生命帶當至矣故敢以獻循納之乃教徐易名庶朝廷忘前議而薦可允於是更名有貞他日張秋河決徐欲假往治進官商輅託王公度詣內閣舉之遂陞僉都景泰丙子十二月修河功訖還上詔詣御前慰勞給賞陞副都有貞又求術東其入閣不得乃潛告石亨等上有病客圖舉事踰歲春正月遂以迎復功進閣坐循等以不軌榜示天下且私報商云我無奈何回互只得置足下於末耳

景泰元年正月大學士彭時乞終繼母喪不許忤旨去

二月命兵部右侍郎俞綱兼翰林學士入內閣辦事綱無他才能以生員薦入翰林騰寫宣廟實錄除邸府審理至以從龍恩驟進密勿一月仍出佐部事

進苗衷爲兵部尚書兼翰林學士八月致仕

八月以刑部右侍郎江淵兼翰林學士直文淵閣

九月進尚輅翰林學士

初令九卿內閣相移文書名內閣移司屬書孔目名

二年五月以江淵巡視淮徐諸郡

十月以祭酒蕭鑑爲戶部右侍郎與禮部左侍郎王一寧

國朝典彙卷三十三

輔臣考

主

俱兼翰林學士並入內閣參預機務鑑因上幸學受知一寧嘗教太監王誠因併薦入

十二月加陳循少保兼文淵閣大學士高穀少保兼東閣大學士

三年二月進江淵爲吏部左侍郎

三月前直文淵閣侍讀彭時起復止補翰林院

四月加陳循叙太子太傅江淵王一寧蕭鑑太子少師

商輅兵部右侍郎兼左春坊大學士

十月太子少師禮部侍郎王一寧卒一寧仙居人永樂戊進士爲人闇敏而疏達爲文必根於理詩詞翰墨

絕可愛第以教授中官遂致顯榮非上論所與贈太子太保禮部尚書諡文通

四年二月命左都御史王文入閣恭預機務文初與中官結納謀入閣嘗私以語高穀穀亦嫌陳循獨見寵任思有以間之乃疏請增閣臣數員且云不拘繁劇衙門詔下內閣推舉陳循曰既不拘繁劇衙門則法司亦可乃舉都御史蕭維禎穀遂舉文尋改文吏部尚書兼翰林院學士直文淵閣

五月江淵王文以憂去尋復任

五年正月遣江淵撫安山東河南尋還京

六月加王文少保東陽大學士

七年正月出江淵爲工部尚書

五月寰宇通志成進陳循華蓋殿高穀王文謹身殿各大學士蕭鉉戶部尚書商輅兼太常卿倪謙呂原左右春坊大學士

按殿閣通進不相兼時高穀王文並以謹身兼東閣亦曠典也

天順元年正月 上皇復辟詔逮陳循王文蕭鉉商輅江淵下獄獄成文棄西市籍沒其家家屬戍邊循淵免死戍邊鉉輅原籍爲民高穀落俸保致仕

詳復辟

王初名強 宣宗改今名東鹿人永樂辛丑進士御史歷官左都御史入閣爲人嚴毅廉介寡言笑然

國家典故每廷議百官會集莫敢先發文以一二語決衆自帖服屢鎮大藩兩總憲紀振舉綱維無敢干以私者及入閣毅然自任知無不爲事有可否多所匡正時石亨等以文掌院時會劾之乘機報復設計誣陷而死四方冤之成化間復原官弘治中特贈太保諡毅愍以左副都御史徐有貞爲兵部尚書太常卿許彬大理卿薛瑄爲禮部右侍郎兼兼翰林院學士內閣辦事

二月以禮部右侍郎李賢兼翰林院學士入閣辦事尋進

閣朝典卷五十三

翰林院學士

吏部尚書仍兼舊職

按 上復位之初學士陳循輩斥去惟徐有貞等三人衆論李賢宜入閣石亨聞之密謂賢曰請子入閣賢即固辭曰不可亨時言於 上曰吏部尚書王翱老矣可令致仕即報翱上疏自陳已許之矣亨見賢曰翱已休致君代之矣賢曰朝廷不可無老成人如翱雖老精力未衰以賢輔之可也賢何敢當此任亨曰事已成矣爲之奈何賢懇求不已明日亨言於 上曰李賢以翱不可釋左右亦贊其說遂留之衆論復欲賢入閣翱聞賢留之不樂曰吾計決矣何故見沮賢曰所以留公者非

爲公司爲朝廷慮也已而賢爲亨輩嫉出爲福建叅政上召翔曰李賢非其罪不可釋去翔曰既不去福建令往南京去也上曰南京亦遠出爲吏部左侍郎翔不得已而從之翔之欲賢遠出非惡賢也恐亨輩害之幸使離此庶免其害爾

三封徐有貞爲武功伯兼華蓋殿大學士掌文淵閣事
文淵閣爲輔臣預機務特避丞相名耳實始於建文四年
三陵卽位之初閣中有文淵閣印文玉箸篆惟封上詔旨題奏揭帖用之不得下諸司以翰林院印凡入內閣云直文淵閣卽官至三殿二閣二坊大學士無入內閣與臺卷三十一
輔臣考
三十一

內閣旨不得與機務也雖總修替等官有入內閣旨亦得預機務矣文淵閣中徐武功署銜自稱掌文淵閣事可乎

六月薛瑄懇致仕許之瑄居內閣數月見石亨等竊美威權嘆曰君子見幾而作不俟終日遂引疾求致仕

逮徐有貞李賢下獄有貞降廣東叅政督福建叅政尋畱

李賢爲吏部左侍郎

復辟

命通政叅議兼侍講呂原贊善兼修撰岳正並直文淵閣七月復下徐有貞獄免死編發金齒爲民

時內閣諸臣盡得罪死徙落籍去有貞爲首相欲立

各自異稍與石亨相左李賢旁助有貞凡用人行政穆持正亨已不能堪內臣曹吉祥亦以奪門功與國政不通文墨恐事歸司禮力贊上事須經內閣意籠絡內閣附已已而吉祥薦用私人內閣輒相阻吉祥固不悅

適御史楊瑄劾曹石曹石疑出有貞意見之盛氣乞逮御史初曹石爭寵利不相能至是遂合率上衣哭訴曰內閣專權欲除奴輩伏地哭不已又言奪門時出萬死立功今爲內閣所陷遂下有貞賢詔獄卽日雷雹交作大風拔木承天門災二凶家大木皆折冰雹尤甚不自安上遂釋賢諫有貞行至德州會有投匿名書斥

國朝典彙卷三十一

輔臣考上

三十一

四十三

朝政者曹石以爲出有貞復逮詔獄拷治無驗命取有貞誥券示三法司刑部侍郎劉廣衡等遂劾有貞許撰制文竊弄國柄自謂治水希踪神禹敢以定策冒貪天功大不敬無人臣禮論斬上會災變得有編置金齒初朝廷旨意多出內閣臣調進旨蒙畱閣中號絲綸簿後有厚恣時奏收簿於內徐有貞既得權寵乃告上如故事還畱閣中

改許彬爲南京禮部左侍郎尋降陝西叅政

降岳正爲欽州同知尋謫戍肅州鎮夷所初正爲第授編修上皇復位改修撰吏部尚書王翱薦

相才召對文華殿神采秀發

上遙見遂曰好正登殿

又曰好好問年幾何對曰四十又曰正好問家安在對

曰鄒縣又曰朕北方人甚善問讀何經對曰尚書曰是

書經尤善問舉進士科對曰正統十三年 上益喜曰

朕固取汝朕今用汝內閣許彬老矣不足恃汝爲朕努力

正頓首受命出赴閣至左順門遇石亨張軏愕然問

曰何爲至此正不對二人者忌正才名比見 上 土

又言朕今擇一內閣臣甚佳二人者請爲誰 上曰岳

正頓正官小須與吏部左侍郎兼翰林學士二人者賜

頓首賀陛下既得人俟果稱職進官未晚 上默然然

國朝典彙卷三十一

輔臣考

岳正

時時召見正正感知遇銳意功名正又言曹石驕橫不

蚤制恐禍起肘腋 上諭正汝往告朕意正竟造亨所

讒令戢斂二人者謂正計我短顧以 上意却我益大

恨是年承天門災下詔罪已正爲草歷數政弊詞極切

直二人者造飛語岳正草出時時對人言此非 上意

我欲諷 上改過也正賣直誦君父不效日內批降正

欽州同知欽並南海瘴毒正便過家舜屏畱數日兵部

尚書陳汝言者黨二人又憾正嘗言其不可用遂嗾邏

者中正私事逮詔獄拷掠謫戍肅州鎮夷所未及行李

鐸都督遂奪正廬

進李賢吏部尚書兼翰林學士人文淵閣辦事時內閣

呂原一人石亨等薦其私人叅議盧彬太常少卿王議

入閣 上不聽與王翱謀仍復賢入閣

九月命太常少卿兼侍讀彭時入內閣叅預機務時景泰

初召入內閣辦事旣而以憂制去起復不預閣事至是

上御文華殿召人見諭以擢用之意命中官送赴文淵

閣治事

十二月進彭時呂原兼翰林學士

置先師像於文淵閣閣舊無交椅公座之設惟東西兩凳

耳白李賢由吏部入值循品秩設公座如部堂彭時不

可曰宜德間駕嘗坐此中坐以此不敢南面設座賢曰

事久矣今設何妨時曰此禁中不宜南面坐賢愠曰烏

有居是官而不正其位者乎時曰正位在外諸衙門則

可在內決不可如欲正坐則華蓋武英諸殿大學士當

何如耶蓋殿閣皆是至尊所御之處原設官之意止可

侍坐偏顧問無正坐之理賢語塞然意猶未已旣而

上遣太監傳送銅範範金孔子并四配像一龕來置閣

中賢乃止自是閣老每晨入必對像揖朔望率翰林官

行四拜禮

四年正月少保謹身殿大學士高穀卒穀字世用興化人

永樂乙未進士初內閣諸臣皆流放竄跡惟毅以忠諫
故免上曰毅在內閣每議迎駕及南內事輒左右朕毅
無它腸可致仕毅歸杜門不接賓客有問及英景兩朝
事輒不應官至台鼎家業蕭然敝屋瘠田僅足衣食其
方毅端靖廉潔無私卓然有古大臣風贈太保諡文毅
二月致仕文淵閣學士兵部尚書苗衷袁宇秉彝定遠
人永樂辛卯及第授編修歷侍讀學士入內閣典機務
卒贈少保諡文康衷爲人溫厚簡重外和內莊諳於世
故樂道人善脩然有塵外之意

十二月詔徐有貞還原籍

五年七月加李賢太子太保賢懇辭

上召賢問曰先生

何故懇辭賢曰臣實不敢受此加秩乞容臣辭免今再
進本上曰先生勞國事非他人比雖進本十次亦不
允賢不得已受之

八月放岳正原籍爲民正既謫戍及曹石敗上思正言

乃放還爲民正字季方順天涿縣人中會元及第天順

初入內閣參預機務以曹石誣謗坐貶謫戍吉祥等敗

旋復修撰入史館尋改兵部武選貼黃李賢嫉之陞典

化知府至成化五年入覲乞致仕家居五年卒年五十

五贈太常少卿諡文肅正剛方正直博學多才慨然欲

樹功名每與人言恒自許若得柄用必開世太平竟至
顛隤不偶君子謂正浚恒起凶不密失身僅得善終已
爲幸矣世道固如此云

正爲修撰時上甚重之嘗曰好箇岳正只是大膽後
謫戍還自題其像曰好箇岳正只是大膽從今以後再
敢不敢性不能容人或謂之曰不聞宰相腹中撐船乎
曰順水來可容使縱橫來安容得耶

十二月陳循免戍爲民

六年八月直文淵閣通政司叅議兼學士呂原以憂去尋

卒贈禮部左侍郎諡文懿原字逢原秀水人在內閣六

年端潔不苟取子性儉約身無統綺篋中惟賜衣幾襲

輒分祿贍宗姻貧賈者子意歷官南太常卿有學行

七年二月以詹事陳文爲禮部右侍郎兼學士直文淵閣

參預機務

初景泰中高穀薦錢溥與陳文可入閣王直在吏部格

不行呂原卒上問李賢誰可代者賢曰柯潛可賢出

吏部尚書王翱問內閣之缺爲誰曰已於上前舉潛

也翱曰潛固好然陳文年資皆深用潛置文於何地賢

曰然業已舉之翱曰復見上言之何妨明日賢見如

翱言上曰汝昨已舉潛賢固陳乃許及文入閣與賢

入爭事曰吾非汝所薦也

八年三月 憲宗加李賢少保兼華蓋殿大學士陳文進

吏部左侍郎彭時吏部右侍郎仍兼翰林學士

六月直文淵閣禮部左侍郎兼翰林學士薛瑄卒贈禮部

尚書諡文清瑄字德溫河津人永樂辛丑進士爲學貴

踐履一言一動於禮有違便自身心不安凡辭受取與

必揆諸義一毫不苟晚年游心高明默契其妙有不言

而悟者其出處大都光明峻潔於富貴利達泊如也接

人無大小衆寡一以誠待之其言平易簡切不爲穿鑿

奇僻之說其平日奏疏削其稿俱不存一日檢閱舊書

國朝典彙卷三十一

及讀書錄蹶架上爲詩曰七十六年無一事此心頓覺

性天通忽遭疾癘留正衣冠危坐而逝迅雷震屋白霧

遽室時六月十五也隆慶間從祀孔子廟庭

八月李賢等言近科道官言舉官須會內閣計議但先

帝有旨保官審囚不必會同翰林院遵行已久宜仍不

預爲是 上曰內閣儒臣所以輔朕裁處萬幾者如舉

官論獄合亦參與事有可否誰更商確卿等言是

成化元年三月進陳文禮部尚書彭時兵部尚書

二年三月李賢丁父憂詔奪情起復以乞終制不允命

監林典議送賢還鄉視墓

十二月少保吏部尚書兼華蓋殿大學士李賢卒賢字原

德祁州人宣德八年進士初使山西見御史薛瑄益好

學沈潛授驗封主事歷考功文選郎中景泰辛未超擢

兵部侍郎尋改吏部天順元年入內閣至是卒於賜第

年五十九贈太師諡文達賢恭莊端重線達政務不屑

爲小廉曲謹薦用耿九疇軒輊年富王竑李泰程信姚

夔崔恭白圭許貴顏彪馮宗等又武大吏皆得其人天

順四年 上諭選庶吉士以賢曰立賢無方何限

於南政務任九卿議擬不爲時於 上謂參酌可

否爲行止時王弼馬昂等兵部皆 上信任賢又能

國朝典彙卷三十一

調護以是兩尚書皆得行其志

神入常少卿兼侍讀學士劉定之入內閣參預機務

三年三月復商輅爲兵部左侍郎兼翰林學士入閣參預

機務

八月加陳文彭時太子少保文淵閣大學士劉定之工部

侍郎兼翰林學士以 英廟實錄成也

四年四月少保文淵閣大學士陳文卒贈少傅諡莊靖文

字安簡廬陵人好行鄙事晚遭柄用與李賢同事羅倫

之貶文有力焉賢卒首秉國鈞益恣意不顧大體縱子

與僕隸大通賄賂初及第時頗事修飾至是人皆醜之